

讀書  
雜志

淮南內篇第十三

讀書雜誌九

高郵王念孫

汜論

不辱

古者有整而綏領以王天下者矣其德生而不辱子而不奪念孫案不辱本作不殺故高注云刑措不用今作辱者後人妄改之也殺與生相對奪與予相對若改殺爲辱則非其指矣且殺與奪爲韻若作辱則失其韻矣太平御覽皇王部二引此已誤作辱張載魏都賦注及舊本北堂書鈔衣冠部三引此竝作殺

陳禹謨依俗本改爲辱文

子上禮篇同晏子春秋諫篇古者嘗有紕衣攣領而王天下者矣其義好生而惡殺荀子哀公篇古之王者有務而拘領者矣其政好生而惡殺此皆淮南所本

作爲之 宮室

聖人乃作爲之築土構木以爲宮室高讀聖人乃作爲句注云作起也念孫案高說非也作爲之三字連讀下文曰而作爲之揉輪建輿駕馬服牛又曰而作爲之鑄金鍛鐵以爲兵刃皆其證也又案以爲宮室本作以爲室屋淺學人多聞宮室寡聞室屋故以意改之也案月令曰毋發室屋管子八觀篇曰宮營大而室屋寡荀子

禮論篇曰：墻墼其額象室屋也。呂氏春秋懷寵篇曰：不焚室屋。史記周本紀曰：營築城郭室屋。俗本亦有改天爲宮室者。官書曰：城郭室屋，門戶之潤澤，則室屋固。古人常語，且此二句以木屋爲韻，下三句以宇雨暑爲韻，若作宮室，則失其韻矣。太平御覽居處部二引此正作室屋。

### 綖麻

伯余之初作衣也，綖麻索縷，手經指挂。高注曰：綖，銳索功也。念孫案：高訓綖爲銳，則與麻字義不相屬。今案：綖者，續也。緝而續之也。方言：綱，續也。廣雅同。秦晉續折木謂之綱。郭璞音剡，人閒篇曰：婦人不得剡麻。考縷綱剡，竝

與綖通。索如宵爾。索綯之索。謂切撚之也。高云。索功也。功卽切字之誤。顏師古注。急就篇曰。索。謂切撚之令緊者也。廣雅曰。綯。索也。綯與切通。

乃爲靽躋而超千里。肩負僮之勤也。

乃爲靽躋而超千里。肩負僮之勤也。而作爲之揉輪建輿。駕馬服牛。民以致遠而不勞。高注曰。靽躋。靽輶也。念孫案。靽皆當爲靽。字從旦。不從且。說文。靽。柔革也。玉篇之。切。靽履也。靽。小兒履也。釋名云。靽。韋履淡頭者之名也。今正文言靽躋。與靽同。注文言靽輶。皆是韋履之名。則字當從旦。廣韻。靽。則古切。靽勒。名。字從且。兩字聲義判。

然茅一桂不知靽爲靽之誤輒加音祖二字其失甚矣  
下文蘇秦靽蹻羸蓋靽亦靽字之誤又案爲靽蹻之爲  
音于僞反爲靽蹻而超千里肩負僮之勤也乃起下之  
詞非承上之詞爲上不當有乃字此因上文乃爲竅木  
方版而誤衍也下文云爲鵩禽猛獸之害傷人而無以  
禁御也而作爲之鑄金鍛鐵以爲兵刃爲上無乃字是  
其證肩負僮之勤道藏本劉本及諸本竝同漢魏叢書  
本於負僮上加荷字而莊本從之斯爲謬矣

所知

人各以其所知去其所害就其所利念孫案人各以其

所知當作人各以其知知與智同言各用其智以去害而就利也今本知上有所字者涉下兩所字而衍文子上禮篇正作各以其智去其所害就其所利

音有本主於中

故通於禮樂之情者能作句音有本主於中而以知樂護之所周者也念孫案音當爲言此承上句而釋其義也今作音者涉上文中音而誤

詩書聞得其言

誦先王之詩書不若聞得其言聞得其言不若得其所以言念孫案誦先王之詩書詩字因上文詩春秋而衍

先王之書泛指六藝而言非詩書之書也不若聞得其言聞得其言兩得字皆因下句得字而行高注云聞聖人之言不如得其未言時之本意則聞下無得字明矣文子上義篇正作誦先王之書不若聞其言聞其言不若得其所以言

天子之籍 屬籍 圖籍 貌冠

履天子之籍聽天下之政高注曰籍圖籍也念孫案籍猶位也言周公履天子之位也若圖籍則不可以言履矣下文云成王既壯周公屬籍致政亦謂屬位於成王也荀子儒效篇曰周公履天子之籍今本天子誤作天下據宋本改楊倞



注以籍爲圖籍  
誤與高注同

聽天下之斷又曰周公歸周反籍於成

王此皆淮南所本彊國篇曰夫桀紂聖王之後子孫也

有天下者之世也執籍之所存天下之宗室也執籍卽

執位是籍與位同義也韓詩外傳作履天子之位聽天

下之政尤其明證矣又下文履天子之圖籍造劉氏之

貌冠本作履天子之籍造劉氏之冠史記高祖紀曰高

祖爲亭長以竹皮爲冠及貴常冠所謂劉氏冠乃是也

故曰造劉氏之冠

漢書高祖紀詔曰吾非公乘以上母  
得冠劉氏冠蔡邕獨斷高祖冠以竹

皮爲之謂  
之劉氏冠

今本作履天子之圖籍造劉氏之貌冠者貌

字涉高注委貌冠而衍後人又誤以籍爲圖籍遂於籍

上加圖字以與貌冠相對而不知貌爲衍文且圖籍不可以言履也

### 供嗜欲

人以其位達其好憎以其威勢供嗜欲念孫案供嗜欲當作供其嗜欲與達其好憎相對

### 治人之具

故法制禮義者治人之具也而非所以爲治也念孫案人字後人所加高注云言法制禮義可以爲治之基耳非所以爲治則無人字明矣文子上義篇無人字泰族篇曰故法者治之具也而非所以爲治也亦無人字

鐻銜𦨇

是猶無鐻銜𦨇策鋌而御駟馬也。念孫案銜下本無𦨇字。高注曰。鐻銜口中央鐵。言鐻銜而不言𦨇。則無𦨇字明矣。鐻銜下有𦨇字。則文不成義。此後人熟於銜𦨇之語而妄加之耳。

槽柔

槽柔無擊。脩戟無刺。莊依漢魏叢書本改柔爲矛。念孫案各本皆作柔。太平御覽兵部二引此亦作柔。說苑說叢篇言人之惡痛於柔戟。字亦如此。蓋矛柔聲相近。故古書有俗柔爲矛者。不宜輒改也。

獨聞之耳

必有獨聞之耳。獨見之明。念孫案劉本耳作聰是也。文子上義篇正作獨聞之聰。

道而先稱古

夫存危治亂。非智不能。道而先稱古。雖愚有餘。念孫案道字當在而字下。道先稱古。與存危治亂相對。羣書治要引此正作道先稱古。

卷而伸

夫繩之爲度也。可卷而伸也。引而伸之。可直而晷。念孫案可卷而伸。劉本作可卷而懷是也。此言繩之爲物。可

曲可直故先言卷而懷後言引而伸且懷與睇爲韻若作伸則失其韻矣文子上仁篇正作可卷而懷

### 大臣將相

管者齊簡公釋其國家之柄而專任大臣將相

各本任下衍其

字莊本從之非是今從道藏本

攝威擅勢私門成黨而公道不行高讀

大臣絕句注曰大臣陳成子也而以將相屬下讀引之

曰大臣將相四字當連讀將相卽大臣也釋其國家之

柄專任大臣將相皆以六字爲句攝威擅勢私門成黨

公道不行皆以四字爲句若以將相屬下讀則句法參

差不齊矣且柄相黨行四字爲韻

柄古讀若方行古讀若杭並見唐韻正

讀大臣絕句則失其韻矣

陳成田常 陳成子恆

故使陳成田常陽夷子皮得成其難引之曰陳成田常  
本作陳成常陳其氏也成其諡也常其字也恆其名也  
人閒篇正作陳成常呂氏春秋慎勢篇同吳越春秋夫  
差內傳作陳成恆韓子外儲說右篇作田成恆田與陳  
古字通言陳則不言田矣後人又加田字謬甚又說山  
篇陳成子恆之劫子淵捷也子字亦後人所加

矜爲剛毅 矜於爲柔懦

今不知道者見柔懦者侵則矜爲剛毅見剛毅者亡則

矜於爲柔懦念孫案矜皆當爲務

務矜二字隸書往往譌溷管子小稱篇務

爲不久韓子難篇作矜僞不長呂氏春秋勿躬篇務服性命之情務誤作矜

言不知道者中

無定見故見柔懦者侵則務爲剛毅見剛毅者亡則務

爲柔懦也主術篇曰爲智者務爲巧詐

道藏本劉本茅本並同朱本改

爲作於非莊本同

爲勇者務於鬪爭是其證也又案此文本作

見柔懦者侵則務爲剛毅見剛毅者亡則務於柔懦於

下本無爲字於亦爲也爲亦於也務爲剛毅務於剛毅

也務於柔懦務爲柔懦也僖二十年穀梁傳曰謂之新

宮則近爲禰宮言近於禰宮也秦策曰魏爲逢澤之遇

朝爲天子言朝於天子也是爲與於同義郊特牲曰郊

之祭也。埽地而祭於其質也。言爲其質不爲其文也。又曰祭天埽地而祭焉於其質而已矣。大戴禮曾子本孝篇曰故孝子之於親也生則有義以輔之外則哀以莅焉祭祀則苾之以敬如此而成於孝子也言如此而後成爲孝子也。晉語曰祁奚辭於軍尉言辭爲軍尉也。文六年穀梁傳曰閏月者附月之餘日也。積分而成於月者也。言積分而成爲月也是於與爲亦同義。爲於同義故二字可以互用。晉語曰稱爲前世。韋注曰言見稱譽於前世義於諸侯韓詩外傳曰民不親不愛而求於已用爲已外不可得也。皆以爲於互用。此云見柔懦者侵則務爲剛毅。



見剛毅者止則務於柔懦亦以爲於互用主術篇曰爲  
智者務爲巧詐爲勇者務於鬪爭卽其明證也又史記  
孟嘗君傳君不如令獎邑淡合於秦西周策於作爲張  
儀傳韓梁稱爲東藩之臣趙策爲作於蓋爲於聲近而  
義同故字亦相通也然則務於柔懦卽務爲柔懦道藏  
本於下復有爲字者後人不知爲於之同義故又加爲  
字耳劉本朱本同茅本不刪爲字而刪於字斯爲謬矣莊本同

本無主

此本無主於中而見聞舛馳於外者也陳氏觀樓曰本  
無主於中當作無本主於中上文云有本主於中而以

知渠護之所周正與此無本主於中相對下文亦云中  
有本主以定清濁

不謳

譬猶不知音者之歌也濁之則鬱而無轉清之則焦而  
不謳各本惟誤作焦依注改高注曰謳和也陳氏觀樓曰謳當作  
調故注訓爲和今作謳者因下句謳字而誤

無不霸王者 無不破亡者

今謂彊者勝則度地計眾富者利則量粟稱金若此則  
千乘之君無不霸王者而萬乘之國無不破亡者矣念  
孫案無不霸王無不破亡兩不字皆後人所加此言千

乘小而萬乘大若彊者必勝富者必利則是千乘之君必無霸王者萬乘之國必無破亡者矣而不知國之興亡在得道與失道不在大與小也故下文曰存亡得道而不在于大亡在失道而不在于小後人不曉文義而妄加兩不字其失甚矣

處彊大勢位 何謀之敢當

二君處彊大勢位脩仁義之道湯武救罪之不給何謀之敢當念孫案處彊大勢位本作處彊大之勢與脩仁義之道相對爲文今本脫之字衍位字位字因上文務高其位而衍則與下句不對高注云當其居彊大之勢各本居誤作君君下又衍

老矣今不能自知所行之非則勢下無位字明矣羣書  
改正治要引此正作處強大之勢又案何謀之敢當當字義  
不可通羣書治要引作何謀之敢慮是也慮字隸書或  
作憲因誤而爲當

溺外

直躬其父攘羊而子證之尾生與婦人期而外之直而  
證父信而溺外雖有直信孰能貴之念孫案信而溺外  
本作信而外女言信而爲女外則信不足貴也今本外  
女作溺外者涉上注水至溺外而誤直而證父信而外  
女相對爲文且女與父爲韻若作溺外則文旣不對而

韻又不諧矣。文子道德篇正作信而外女。

### 局曲直

是故聖人論事之局曲直與之屈伸偃仰無常儀表。念孫案此言屈伸偃仰皆因乎事之曲直。曲直上不當有局字。蓋衍文也。文子道德篇無局字。

### 卑弱柔 本矜

時屈時伸卑弱柔如蒲韋非攝奪也。剛強猛毅志厲青雲非本矜也。念孫案本當爲夸。夸矜與攝奪相對爲文。夸字或書作𠂔形與本相似。因誤爲本。文選甘泉賦注引此正作夸。又案蒲韋皆柔弱之物。故曰時屈時伸弱。

未如蒲葦弱柔上不當有卑字此涉下文屈膝卑拜而  
誤衍也荀子不苟篇云言己之光美擬於舜禹參於天  
地非夸誕也與時屈伸柔從若蒲葦非懾怯也剛彊猛  
毅靡所不信非驕暴也語云必與此同柔從若蒲葦之  
上亦無卑字

### 車裂

晉者甚宏周室之執數者也天地之氣日月之行風雨  
之變律厯之數無所不通然而不能自知車裂而死太  
平御覽刑法部十一引此同念孫案左傳國語皆言周  
殺甚宏而不言車裂他書亦無車裂之事案莊子肱篋

篇甚宏施釋文崔云施裂也淮南子曰甚宏鉞裂而外  
據此則古本本作鉞裂今作車裂者涉下文蘇秦車裂  
而誤也注內車裂同

無問

故人有厚德無問其小節而有大譽無疵其小故念孫

案問當爲閒方言曰閒非也

襄十五年左傳且不敢閒論語先進篇人不閒於其

父母昆弟之言孟子離婁篇政不足閒也趙岐陳羣孔穎達諸儒皆訓閒爲非疵讀爲訾莊子  
篇無譽無訾呂氏春秋必己篇作疵荀子無閒與無訾  
不苟篇正義直指舉人之過非毀疵也

同義故廣雅曰閒訾誼也

誼與毀同

今本閒誤爲問則非其

指矣文子上義篇正作無閒其小節

顏喙聚

夫顏喙聚梁父之大盜也而爲齊忠臣念孫案喙當爲  
啄字之誤也顏喙聚左傳哀二十七年呂氏春秋尊師  
篇韓子十過篇竝作顏啄聚韓詩外傳作顏斲聚說苑  
正諫篇作顏燭趙漢書古今人表作顏燭雛晏子春秋  
外篇作顏燭鄒竝字異而義同啄與啄斲燭聲竝相近  
喙則遠矣喙喙二字書傳往往相亂

季襄

季襄陳仲子立節抗行不入洿君之朝不食亂世之食  
遂餓而死高注曰季襄魯人孔子弟子念孫案孔子弟



子無季襄襄皆當爲哀字之誤也史記仲尼弟子傳公

哲哀字季次索隱引家語作公哲克克亦哀之誤此言季哀卽季次也故

高注云然弟子傳載孔子之言曰天下無行多爲家臣

仕於都唯季次未嘗仕游俠傳曰季次原憲懷獨行君

子之德義不苟合當世終身空室蓬戶褐衣疏食不厭

此云立節抗行不入滂君之朝不食亂世之食說與史

記略同

一人

求於一人則任以人力自脩則以道德念孫案求於一

人劉本無一字是也道藏本有一字者因上文責備於

一人而誤求於人與自脩相對爲文人上不當有一字  
下文責人以人力自脩以道德卽其證文子上義篇作  
於人以力自脩以道

得其賢

今志人之所短而忘人之所脩而求得其賢乎天下則  
難矣念孫案得其賢乎天下衍其字藝文類聚寶部上  
引此無其字

美之與惡 此皆相似

使人之相去也若玉之與石美之與惡則論人易矣夫  
亂人者若芎藭之與藁本也

各本脫若字今據上文及  
羣書治要史記索隱爾雅

疏本草圖經續博物志引補堉雅蛇牀之與麋蕪也此皆相似高注曰

言其相類但其芳臭不同猶小人類君子但其仁與不仁異也念孫案美之與惡本作葵之與莧葵與莧不相似故易辨此言物之不相似者下言物之相似者皆各舉二物以明之若云美之與惡則不知爲何物矣蓋俗書美字作美葵字作葵葵之上半與美相似因誤而爲美後人不解其故遂改爲美之與惡耳羣書治要及爾雅疏堉雅續博物志引此竝作葵之與莧是其證又案上旣言亂人則下不必更言相似且正文旣言相似則注不必更言言其相類矣爾雅疏引許注云此四者藥

草臭味之相似然則此皆相似四字蓋後人約記許注  
於正文之旁而寫者因誤合之也茅本又於相似下加者字而莊本從之謬  
矣史記司馬相如傳索隱爾雅疏本草圖經埤雅續博  
物志所引皆無此四字

天下爲忠之臣者 賞少而勸善者衆

故賞一人而天下爲忠之臣者莫不終忠於其君也終盡莫不盡忠於其君也茅一桂不曉終字之義遂改終忠

爲願忠而莊本從之謬矣道藏本劉本朱本並作終忠

此賞少而勸善者衆也念孫案天下爲忠之臣者當作

天下之爲臣者呂氏春秋義賞篇引孔子曰賞一人而

天下之爲人臣者莫敢失禮卽淮南所本也今本之爲

二字誤倒又衍一忠字此賞少而勸善者眾也當作此  
賞少而勸眾者也上文云古之善賞者費少而勸眾正  
與此句相應下文曰此刑省而姦禁者也此用約而爲  
德者也此入多而無怨者也句法竝與此同今本眾者  
二字誤倒又衍一善字善字涉下文勸善而衍

右服失馬 獲之

秦穆公出遊而車敗右服失馬高注曰服中央馬

鄭風叔于

田箋兩服中央夾轅者義與高注同各本失作失因正文而誤今改正

念孫案右服失馬

馬字因注文而行服爲中央馬則不須更言馬矣呂氏

春秋愛士篇正作右服失

失與伏同

又梁由靡扣穆公之驂

獲之高注云將獲穆公則正文獲上有將字也將獲未獲故人得而救之若已爲晉所獲則不能救矣

### 管金

越城郭踰險塞姦符節盜管金高注曰金印封所以爲信念孫案如高注則金字當爲璽字之誤然金與璽字不相似璽字無緣誤爲金蓋俗書璽字或作金因誤爲金矣五音集韻云璽俗作金

### 法令者

夫法令者罔其姦邪勒率隨其蹤跡無愆夫愆婦各本作愆辭見地形皆知爲姦之無脫也犯禁之不得免也篇其人愆愚下

念孫案法令下行者字法令罔其姦邪勒率隨其蹤跡相對爲文

然而立秋之後

然而不材子不勝其欲蒙死之罪而被刑戮之羞然而立秋之後司寇之徒繼踵於門而死市之人血流於路念孫案下然而二字因上然而而行立秋之後五句卽承上死之罪刑戮之羞言之不當更有然而二字

夫今 斬首拜爵

夫今陳卒設兵兩軍相當將施令曰斬首拜爵而屈撓者要斬念孫案夫今當爲今夫斬首下脫者字斬首者

拜爵屈撓者要斬相對爲文羣書治要引此有者字

### 隊階

然而隊階之卒皆不能前遂斬首之功而後被要斬之

罪念孫案隊階二字義不可通當從羣書治要所引作

隊伯字之誤也

左畔作卩因隊字而誤右畔作皆則因下文皆字而誤

逸周書武

順篇曰五五二十五曰元卒四卒成衛曰伯是百人爲

伯也

兵略篇曰正行五連什伯史記秦始皇紀曰躡足行伍之閒而偃起什伯之中

通典兵一

引司馬穰苴曰五人爲伍十伍爲隊是隊爲伯之半故

曰隊伯之卒

波至而自投於水



楚人有乘船而遇大風者波至而自投於水念孫案波至而下當有恐字下文惑於恐外而反忘生也卽承此句言之羣書治要意林藝文類聚舟車部白帖六十三太平御覽地部三十六舟部二引此皆作波至而恐

患弗過

夫動靜得則患弗過也念孫案過當從劉本朱本作遇字之誤也

可傳於後世

世俗言曰弊外人者裘不可以藏裘不可以藏者非能具綈繇曼帛溫煖於身也世以爲裘者難得貴賈之物

也而可傳於後世無益於外者而足以養生故因其資以譬之念孫案裴璠益於外者而足以養生故曰可傳於後世劉本作不可傳於後世不字因上文不可以藏而衍諸本與劉本同

莊本亦同唯道藏本無不字

### 不待戶牖之行

使鬼神能元化則不待戶牖之行念孫案之當作而太平御覽居處部十二引此正作不待戶牖而行

### 故馬免人於難者六句內脫文

故馬免人於難者其外也葬之牛其外也葬以大車爲薦念孫案藝文類聚獸部上太平御覽禮儀部三十四

獸部八引此竝作故馬免人於難者其舛也葬之以帷  
爲衾牛有德於人者其舛也葬之以大車之箱爲薦今  
本葬之下脫去以帷爲衾四字牛下脫去有德於人者  
五字葬下脫去之字大車下脫去之箱二字當補入

炎帝於火 禹勞天下 后稷作稼穡

故炎帝於火舛而爲竈

各本舛而皆誤作而舛惟道藏本作舛而與諸書所引合莊刻

仍從各本作而舛非是

禹勞天下舛而爲社后稷作稼穡舛而爲

稷念孫案炎帝於火本作炎帝作火於字或書作於形  
與作相似而誤太平御覽火部二引作於亦後人依誤  
本改之其居處部十四引此正作作史記孝武紀索隱

藝文類聚火部廣韻竈字注引此竝作作禹勞天下勞

下本有力字故高注曰勞力天下謂治水之功也

道藏本劉

本皆如是各本無力字者據已脫之正文刪未脫之注  
文耳莊刻從各本刪力字非是高注脩務篇亦云禹勞  
力天下不  
遲風雨  
今本無力字者後人誤以爲衍文而刪之耳

古者謂勤爲力

大雅烝民箋力猶勤也

勞力天下猶言勤勞天下

泰族篇曰夙興夜寐而勞力之是也倒言之則曰力勞

主術篇曰民貧苦而忿爭事力勞而無功是也藝文類

聚禮部中引此無力字亦後人依誤本刪之太平御覽

禮儀部十一引正文注文竝作勞力論衡祭意篇或曰

炎帝作火舛而爲竈禹勞力天下舛而爲社所引卽淮

南之文后稷作稼穡后稷本作周棄此亦後人以意改之也昭二十八年左傳曰周棄亦爲稷自商以來祀之魯語曰夏之興也周棄繼之故祀以爲稷此皆淮南所本藝文類聚禮部中太平御覽禮儀部十一引此竝作周棄高注當云周棄后稷也今本云稷周棄也此亦後人所改

淮南內篇第十三

淮南內篇第十四

讀書雜誌九

高郵王念孫

詮言

及宗

分而爲萬物莫能及宗高注曰謂及已之性宗念孫案  
及皆當爲反字之誤也宗者本也言莫能反其本也下  
文云能反其所生卽反宗之謂故高注曰反已之性宗  
也說山篇曰吾將反吾宗矣又曰牆之壞愈其立也冰  
之泮愈其凝也以其反宗高注竝云宗本也是其證分  
而爲萬物文選演連珠注引作分爲萬殊案上文旣云

物以羣分此無庸復言分爲萬物疑作萬殊者是也今本殊作物蓋涉下文萬物而誤

亡乎萬物之中

物物者亡乎萬物之中高注曰物物者造萬物者也此不在萬物之中念孫案莊本改亡爲存正與此義相反

動有章則詞

星劉於天而明故人指之義劉於德而見故人視之入之所指動則有章人之所視行則有迹動有章則詞行有迹則議引之曰詞當爲訶凡隸書可字之在旁者或作司

漢魯相史晨饗孔廟後碑雅歌吹笙歌作歌冀州從事郭君碑凋柯霜榮柯作柯

故訶字

或作詞形與詞相似因誤爲詞訶謂相譏訶也動有章則人訶之行有迹則人議之也說林篇曰有爲則議多事固苛高注曰蘇秦爲多事之人故見議見苛也苛與訶同議字古讀若俄小雅北山篇或出入風議與爲爲議與和爲韻史記太史公韻爲讀若譌淮南俶眞篇立而不自序王人是議與禾爲韻故此及說林篇皆以訶議爲韻若作詞則失其韻矣

### 貴其所有

人莫不貴其所有而賤其所短念孫案貴與賤相反長與短相反若有與短則非相反之名有當爲脩字之誤也隸書脩字或作脩脩長也言人皆貴其所長而賤其

因殘缺而爲有字



所短也淮南王避父諱故不言長而言脩

物莫不足滑其調 獨盡其調 五行異氣而

皆適調六藝異科而皆同道 其美在調 日

引邪欲而澆其身夫調

故通性之情者不務性之所無以爲通命之情者不憂

命之所無柰何通於道者物莫不足滑其調念孫案物

莫不足滑其調當作物莫足滑其和滑亂也見原道叙

篇注及周語晉語注言通於道者物莫能亂其天和也今本莫下

衍不字因上文兩和字又誤作調原道篇曰不以欲滑

和俶真篇曰不足以滑其和精神篇曰何足以滑和莊

子德充符篇曰不足以滑和諸書皆言滑和無言滑調

者且和與爲何爲韻

爲古讀若誘說見唐韻正

若作調則失其韻矣

又兵略篇敵若反靜爲之出奇彼不吾應獨盡其調若

動而應有見所爲彼持後節與之推移彼有所積必有

所虧精若轉左陷其右陂敵潰而走後必可移案獨盡

其調調亦當爲和

注同

和與奇爲移虧陂爲韻

奇爲移虧陂古音皆

在歌部說見唐韻正

若作調則失其韻矣又泰族篇五行異氣而

皆適調六藝異科而皆同道本作五行異氣而皆和六

藝異科而皆通因和誤爲調通誤爲道後人遂於道上

加同字又於調上加適字以成對句而不知其謬也太

平御覽學部二引作五行異氣而皆和六藝異科而皆  
道道字雖誤而和字不誤且上句無適字下句無同字  
舊本北堂書鈔藝文部一引此正作五行異氣而皆和  
六藝異科而皆通泰族又云聖人兼用而財制之失本  
則亂得本則治其美在調其失在權水火金木土穀異  
物而皆任規矩權衡準繩異刑而皆施丹青膠漆不同  
而皆用各有所適物各有宜案其美在調調亦當爲和  
之治爲韻和權施宜爲韻和施宜古音在歌部權在元  
部歌元二部古或相通說見  
泰族陰陽  
化一條下若作調則失其韻矣文子上禮篇正作其美  
在和其失在權泰族又云今日悅五色日嚼滋味耳淫

五聲七竅交爭以害其性日引邪欲而澆其身夫調身  
弗能治柰天下何案日引邪欲而澆其身夫調本作日  
引邪欲而澆其天和卽原道所云以欲滑和也文子下  
德篇作日引邪欲竭其天和身且不能治柰天下何是  
其明證矣今本澆其下行身字因下文而行天誤爲夫和誤  
爲調遂致文不成義且聲爭性爲韻和何爲韻若作調  
則失其韻矣和調二字形聲皆不相近無因致誤而以  
上五段和字皆誤作調殊不可解

以欲用害性

不貪無用則不以欲用害性念孫案劉本無下用字是

也此因上用字而衍

所無 所有

聖人守其所以有

以與己同

不求其所未得求其所無則所

有者亡矣脩其所有則所欲者至念孫案求其所無本作求其所未得脩其所有此皆承上文而申言之不當有異文今本作求其所無脩其所有皆後人以意改之也羣書治要引此正作求其所未得脩其所已有文子符言篇同下文亦云不知道者釋其所已有而求其所未得

勸而就利者

故道不可以勸而就利者而可以寧避害者念孫案勸下而字因下句而行文子符言篇無而字

不爲善

故不爲善不避醜遵天之道不爲始不專己循天之理不豫謀不棄時與天爲期不求得不辭福從天之則念孫案善當爲好不爲好不避醜遵天之道猶洪範言無有作奸遵王之道也今作不爲善者後人據文子符言篇改之耳好醜道爲韻始已理爲韻謀時期爲韻得福則爲韻若作善則失其韻矣

旁禍

旁福

內無旁禍外無旁福念孫案旁字義不可通文子符言篇作奇禍奇福是也俗書奇字作奇旁字作旁二形相似而誤

生貴

爲善則觀爲不善則議觀則生貴議則生患引之曰貴當爲責字之誤也此言爲善則觀之者多觀之者多則責之者必備下文曰責多功鮮無以塞之正謂此也文子符言篇作爲善卽勸勸卽生責

受名 唯能勝理而爲受名名與則道行

名與道不兩明人受名則道不用道勝人則名息矣念

孫案受當爲愛字之誤也。愛名則不愛道。故道不用也。  
文子符言篇正作愛。又下文喜德者必多怨。喜予者必  
善。然唯滅迹於無爲而隨天地自然者。唯能勝理而爲  
受之名興。則道行道行。則人無位矣。案此當作唯滅迹  
於無爲而隨天地自然者。爲能勝理而無愛名。名興則  
道不行。道行則人無位矣。人如人心道心之人上文  
高注云無位無所立也即  
上文所謂人愛名則道不用。道勝人則名息也。今本爲  
能誤作唯能。無愛名誤作爲受名。道不行又脫不字。則  
上下文皆不可通矣。韓詩外傳云。唯滅跡於人能與而  
隨天地自然。爲能勝理而無愛名。名興則道不用。道行



則人無位矣。是其證。勝理二字說見後。勝心一條下。

貨數

欲尸名者必爲善。欲爲善者必生事。事生則釋公而就私。貨數而任己。引之曰。貨當爲背字之誤也。背數而任己。謂背自然之數而任一己之私。與上句釋公而就私同意。文子符言篇作倍道而任己。倍與背同。下文又云。君好智則倍時而任己。棄數而用慮。

立名於爲質。忘爲質。不忘其容。

欲見譽於爲善。而立名於爲質。則治不循故而事不順。

時。今本節作條。順作質。並誤。說見原道。循誤爲條下。念孫案質當爲賢。賢質草。

書相似故賢誤爲質

逸周書官人篇有隱於仁賢者大戴禮賢誤作質

爲賢與

爲善義正相承文子作見譽而爲善立名而爲賢是其

證又下文無須與忘爲質者必困於性百步之中不忘

其容者必累其形案此當作無須與忘其爲賢者必困

於性百步之中不忘其爲容者必累其形今本上二句

內脫其字下二句內脫爲字

爲容與爲賢相對百步之中而必爲儀容則形不勝

勞故曰必累其形脫去爲字則文義不明

賢字又誤爲質此卽承上欲立名

於爲賢則治不循故事不順時言之故高注曰常思爲

賢不循自然則性困也

今本高注賢字亦誤爲質

文子作夫須與無

忘其爲賢者必困其性百步之中無忘其爲容者必累

其形是其證

不足以獎身

功之成也，不足以更責

高注：更，償也。

事之敗也，不足以獎身

念孫案：不足以獎身，不字涉上文而衍。此言功成則不足以償其責，事敗則適足以斂其身也。文子符言篇作：事敗足以滅身，是其證。

善說而亡國

公孫龍粲於辭而賈名，鄧析巧辯而亂法。蘇秦善說而亡國。念孫案：亡國當作亡身。故高注曰：蘇秦外於齊也。今本身作國者，涉下文治國而誤。又案高注本在蘇秦

善說而亾身之下、今本在亾字之下、國字之上、則是以  
亾字絕句、而以國字下屬爲句、大謬。此句與上二句相  
對爲文、若讀蘇秦  
善說而亾爲句、則與上二句不對、下文由其道則善無  
章、循其理則巧無名、亦相對爲文、若讀國由其道爲句、  
則文不成義。

### 外釋交

若誠外釋交之策、而慎脩其境內之事、陳氏觀樓曰、外  
釋交之策、當爲釋外交之策、上文外交而爲援、是其證  
不以位爲患

智者不以位爲事、勇者不以位爲暴、仁者不以位爲患、  
可謂無爲矣、劉本患作惠、念孫案、劉本是也、不以位爲

惠謂不假位以行其惠也。爲惠與爲暴相對。主術篇曰：重爲惠，重爲暴，則治道通矣。義與此同。

圍

一人之力以圍強敵，念孫案圍當爲圍字之誤也。圍與禦同。劉績改圍爲集而莊本從之，義則是而文則非矣。

勝心 勝欲 勝理

聖人勝心，眾人勝欲，念孫案勝任也。言聖人任心，眾人任欲也。耳目之官不思而蔽於物，心之官則思，聖人先立乎其大者，則其小者不能奪，故曰：聖人任心也。若眾人則縱耳目之欲而不以心制之，故曰：眾人任欲也。下

文曰食之不寧於體聽之不合於道視之不便於性三

關交爭

高注三關謂會視聽今本正文三關作三官注

篇曰目妄視則淫耳妄聽則惑口妄言則亂夫三關者不可不慎守也今據以訂正以義爲制者

心也又曰耳目鼻口不知所取去心爲之制各得其所

皆其證矣說苑說叢篇曰聖人以心導耳目小人以耳

目導心卽此所謂聖人勝心眾人勝欲也說文勝任也

任與勝聲相近任心任欲之爲勝心勝欲猶戴任之爲

戴勝

月令戴勝降于桑呂氏春秋季春篇作戴任

高解聖人勝心曰心者欲

之所生也聖人止欲故勝其心則誤以勝爲勝敗之勝

矣如高說則是心與耳目口無以異下文何以言三關

交爭以義爲制者心乎又解眾人勝欲曰心欲之而能勝止也心欲之而能勝止則是賢人矣安得謂之眾人乎且下文言欲不可勝則勝之訓爲任明矣文子符言篇作聖人不勝其心眾人不勝其欲此亦未解勝字之義而以意改之也又下文唯滅迹於無爲而隨天地自然者爲能勝理而無愛名此句今本多誤字辯見前受名下勝亦任也言任理而不愛名也隨天地自然卽所謂任理也呂氏春秋適音篇勝理以治身則生全矣亦謂任理爲勝理也高注曰理事理情欲也勝理去之以事理爲情欲義不可通皆由誤以勝爲勝敗之勝故多抵牾矣

從事於性

故聖人損欲而從事於性。念孫案此本作故聖人損欲而從性。上文曰欲與性相害不可兩立。故此言損欲而從性也。後人改從性爲從事於性。則似八股中語矣。文子符言篇正作損欲而從性。太平御覽方術部一引此作損欲而存性。雖存與從不同。而皆無事於二字。

因而不生

凡治身養性。節寢處。適飲食。和喜怒。便動靜。內在己者得。而邪氣因而不生。豈若憂瘕疵之興。興與發同義。各本興誤作與。今據太平御覽引改。瘕疽之發。而豫備之哉。念孫案邪氣因而不



生本作邪氣自不生言治身養性皆得其道則邪氣自然不生非常恐其生而豫備之也今本作邪氣因而不生者自誤爲因慧書因或作回與自字相似而誤後人又加而字耳太平御覽引此正作邪氣自不生

在智 在力

故天下可得而不可取也霸王可受而不可求也在智則人與之訟在力則人與之爭念孫案在皆當爲任字之誤也言當因時而動不可任智任力也上文曰失道而任智者必危又曰獨任其智失必多矣故好智窮術也好勇危術也皆其證

不滅 不沒

鼓不滅於聲故能有聲鏡不沒於形故能有形念孫案

滅當爲臧沒當爲設皆字之誤也

臧字俗書作臧形與滅相似設與沒草書

亦相似

臧古藏字鼓本無聲擊之而後有聲鏡本無形物

來而後有形故曰鼓不藏於聲鏡不設於形作滅作沒則義不可通矣文選演連珠注引此作鏡不設形故能有形文子上德篇作鼓不藏聲故能有聲鏡不設形故能有形是其證

弗吹弗聲

金石有聲弗叩弗鳴管簫有音弗吹弗聲劉本依文子

改弗聲爲無聲而諸本皆從之莊本同念孫案劉改非也

白虎通義曰聲者鳴也言管簫有音弗吹弗鳴也兵略

篇曰彈琴瑟聲鍾竽亦謂鳴鍾竽也劉誤以聲爲聲音

之聲故依文子改之耳金石有聲音管簫有音音亦聲也

此謂聲音之聲弗叩弗鳴弗吹弗聲聲亦鳴也與聲音之聲異義若云

弗吹無聲則與上文不類矣

怨

故譽生則毀隨之善見則怨從之劉本依文子符言篇

改怨爲惡念孫案劉改是也譽與毀對善與惡對道藏

本作怨者涉上文兩怨字而誤

焉可以託天下

能不以天下傷其國而不以國害其身者焉可以託天下也。念孫案焉猶則也。老子故貴以身爲天下則可寄天下。道應篇引作焉可以託天下是其證。荀子禮論篇無安人史記禮書作則無安人是焉與則同義詳見老子信不足焉有不信焉下道藏本劉本朱本竝作焉茅一桂不解焉字之義而改焉作爲莊本從之謬矣。

持無所監

持無所監謂之狂生。今本高注云持無所監所監者非元德故爲狂生。李善注文選任昉哭范僕射詩曰淮南

志九之十四

三

子曰臺無所監謂之狂生高誘曰臺持也所鑒者非元德故爲狂生臺古握字也念孫案如李注所引則今本正文及高注皆經後人刪改明矣又案臺與握不同字臺當爲臺字之誤也說文臺古文握故高注云臺持也又云臺古握字也後人不知臺爲臺之誤而改臺爲持又改高注臺持也爲持無所監并刪去臺古握字也五字以滅其跡甚矣其妄也

怨無所滅

民已受誅怨無所滅謂之道念孫案怨無所滅文子道德篇作無所怨憾是也道固當誅故受誅者無所怨憾

今本怨字誤在無所上憾字又誤作滅則文不成義

### 屈奇

聖人無屈奇之服無瑰異之行高注曰屈短奇長也念  
孫案屈奇猶瑰異耳周官闔人奇服怪民不入宮鄭注  
曰奇服衣非常屈奇之服卽奇服也司馬相如上林賦  
摧峩岵嶠義與屈奇相近屈奇雙聲字似不當分爲兩  
義也

### 捉得其齊

善博者平心定意捉得其齊行由其理高注曰齊得其  
適也念孫案捉當爲投投得其齊謂投箸也秦策曰君

獨不觀博者乎。或欲大投。或欲分功。行由其理。謂行某也。楚辭招魂注曰。投六箸。行六棊。故爲六博。是也。隸書投字。或作投。捉字。或作捉。二形相似。故投誤爲捉。太平御覽工藝部十一引此。正作投。

馳

馳者不貪最先。不恐獨後。高注曰。馳。競驅也。劉曰。馳。除救切。莊曰。馳。卽騁字。省文。孫編脩程文學說。皆如是。孫氏頤谷讀書脞錄曰。玉篇。馳。除救切。廣韻在四十九宥。注皆訓爲競馳。與高注正合。非騁之省文也。念孫案。劉注及孫頤谷說是也。玉篇廣韻競馳之訓。旣本於高注。

則讀駟爲胃亦必本於高注今本高注有義無音寫者

脫之耳駟之言逐也

逐駟古同聲大畜九三良馬逐釋文逐如字鄭本作逐逐云兩馬走

也一音胃海外北經夸父與日逐走郭注逐音胃

晉灼注漢書五行志曰競走

曰逐故高注言競驅若是騁字則但可訓爲驅不可訓

爲競驅矣與人競驅故云不貪最先不恐獨後若但曰

騁則無先後之可言矣孫程必以爲騁之省文者徒以

說文無駟字故耳不知是書之字固有說文所不收者

且馳謂之騁競驅謂之駟一從男聲一從由聲

駟從由聲與胃

同不得以甲代乙也

不通



有智而無術雖鑽之不通有百技而無一道雖得之弗能守念孫案通本作達此後人以意改之也術達爲韻道守爲韻改達爲通則失其韻矣據高注云無術不能達則正文作達甚明

### 般臠

周公般臠不收於前鍾鼓不解於縣高注曰臠郡到反前肩之美也引之曰大雅既醉箋般牲體也牲體多矣不應獨言臠臠當爲腍奴低反凡隸書從臠從需說文腍之字多相亂故臠誤爲臠有骨臠也或作鸛爾雅肉謂之醢有骨者謂之鸛周官醢人朝事之豆其實有麋鸛鹿鸛麋鸛是也般俎實也

腍豆實也。穀腍猶言俎豆耳。穀腍鍾鼓各爲一物。文正相對。

弗能無害也

俎豆之刳次黍稷之先後雖知弗教也。弗能無害也。念孫案弗能無害謂雖弗能亦無害於事也。故下文云弗能祝者不可以爲祝無害於爲尸。莊本害上脫無字。蓋爲劉本所誤。

大本

故始於都者常大於鄙。始於樂者常大於悲。其作始簡者其終本必調。念孫案兩大字一本字皆義不可通。此

文當作故始於都者常卒於鄙始於樂者常卒於悲其  
作始簡者其終卒必調莊子人閒世篇且以巧鬪力者  
始乎陽常卒乎陰以禮飲酒者始乎治常卒乎亂凡事  
亦然始乎諒常卒乎鄙其作始也簡其將畢也必巨卽  
淮南所本也上文曰故以巧鬪力者始於陽常卒於陰  
今本上兩卒字作大下一卒字作本者隸書卒或作卒  
本或作卒二形相似故卒誤爲本墨子備高臨篇足以  
書游俠傳其陰賊著於心卒發上兩本字又脫其下半  
於貶黜今本卒字竝誤作本而爲大耳

以相響 反生鬪

今有美酒嘉肴以相饗卑體婉辭以接之欲以合歡爭  
盈爵之閒反生鬪鬪而相傷三族結怨念孫案文選鮑  
照結客少年場行注引此以相饗饗上有賓字反生鬪  
反上有乃字句法較爲完繕

席之先萑簞四句

席之先萑簞樽之上元酒

各本酒作樽因上樽字而誤今據藝文類聚太平御覽引

改

俎之先生魚豆之先黍羹念孫案此本作席之上先

萑簞樽之上先元酒俎之上先生魚豆之上先黍羹席  
之上三字連讀先萑簞三字連讀下三句竝同後人不  
曉文義而以意刪之或刪上字或刪先字斯爲謬矣藝

文類聚服飾部上太平御覽服用部十並引此席之上  
先菴簞樽之上先元酒初學記器物部引此豆之上先  
太羹是其證

衰其暑 大熱 質有之

大寒地坼水凝火弗爲衰其暑大熱爍石流金火弗爲  
益其烈寒暑之變無損益於己質有之也引之曰火弗  
爲衰其暑暑當爲熱大熱爍石流金熱當爲暑二字互  
誤火可言熱不可言暑且熱與烈爲韻若作暑則失其  
韻矣下文寒暑二字正承大寒大暑言之若云大寒大  
熱則又與下文不合矣太平御覽火部二引此熱暑二

字互誤已與今本同文選演連珠注引此正作火弗爲  
衰其熱質有之也之當爲定言火有一定之質故不爲  
寒暑損益也定字俗書作定因誤而爲之御覽引此已  
誤

爾

自身以上至於荒茫

句

爾遠矣自外而天地無窮

句

爾

滔矣

高注滔  
曼長也

念孫案兩爾字義不可通劉本爾作亦是

也尔字俗書作尔與亦相似亦誤爲尔後人因改爲爾

矣

漢書司馬相如傳茲亦於舜後漢書張衡傳亦要思  
乎故居今本亦並作爾皆是亦誤爲尔又改爲爾也

累積其德

故中心常恬漠，累積其德，引之曰累積其德，當依文子符言篇作不累其德。累讀如負累之累，言中心恬漠，外物不能累其德也。下二句云狗吠而不驚，自信其情，自春秋有度篇曰：惡欲喜，怒哀樂六者累德者也。寫者脫去不字，校書者又誤讀累爲積累之累，因加積字耳。

淮南內篇第十四

淮南內篇第十五

讀書雜誌九

高郵王念孫

兵略

大論

故至於攘天下害百姓肆一人之邪而長海內之禍此  
大論之所不取也念孫案大當爲天字之誤也論與倫  
同王制凡制五刑必卽天論鄭注論或爲倫釋文論音  
倫理也倫論古多通用莊本改論爲倫未達假借之  
義倫道也見小雅正月篇毛傳言爲天道之所不取也  
文子上義篇正作天倫

其國



志九之十五

一

五

乃發號施令曰

道藏本無曰字莊依劉本增曰字是也太平御覽引此有曰字文子同

其

國之君傲天侮鬼決獄不辜殺戮無罪念孫案其當爲某字之誤也太平御覽兵部二引此正作某國司馬法仁本篇亦云某國爲不道征之

故不可得而觀

天圓而無端故不可得而觀地方而無垠故莫能窺其門念孫案不可得而觀本作不得觀其形後人以形與端韻不相協故改爲不可得而觀也不知元耕二部古或相通說文篆從叢聲而唐風杜篇陶行景翼與菁姓爲韻齊風還篇子之還兮與閒肩假爲韻而漢書地理志引作子之營兮淮南精神篇曰以道爲綱有待而然抱其太清之本而無所容與而物無能管齊

俗篇曰其歌樂而無轉其哭哀而無聲道應篇曰為三  
年之喪令類不蕃高辭卑讓使民不爭又莊子大宗師  
曰夫道有情有信無為無形可傳而不可受可得而  
不可見逸周書時訓篇曰螻蟻不鳴水潦淫漫蜺蜺不  
出嬖奪后命王瓜不生困於百姓漢書貢禹傳曰何以  
孝弟為財多而亮榮何以禮義為史書而仕宦何以謹  
慎為勇猛而臨官外戚傳悼李夫人賦曰超今西征肩  
兮不見太元進次二日進以中刑大人獨見聚測曰鬼  
神無靈形不見也燕聚嘻嘻樂淫衍也宗其高年鬼待  
敬也易林姤之臨曰禹召諸侯會稽南山執玉萬國天  
下康寧升之震曰當變立權趙解患難渙  
然冰釋大國以寧皆以元耕二部通用形字正與端  
為韻也人能觀天而不能知其形故曰不得觀其形非  
謂不可得而觀也文子自然篇正作故不得觀其形

### 極之

刑兵之極也至於無刑可謂極之矣念孫案刑並與形

同可謂極之矣當作可謂極之極矣形者兵之極至於  
無形故曰極之極太平御覽引此正作可謂極之極矣  
鈔本如是刻本作可謂極矣乃後人妄刪

### 同欲相助

故同利相外同情相成同欲相助念孫案同欲相助當  
作同欲相趨趨七句反向也同惡相助今本上句脫相趨二字  
下句脫同惡二字同欲同惡相對為文且利外為韻情  
成為韻欲趨為韻惡助為韻欲與助則非韻矣古韻欲趨屬侯部惡助屬御部史記吳王濞傳同惡相助同好相畱同  
情相成同欲相趨同利相外是其證文子自然篇作同行者相助此以意

改耳呂氏春秋察微篇亦云同惡固相助

### 兵交

未至兵交接刃而敵人奔亡念孫案兵交當爲交兵文子上義篇正作交兵接刃下文亦云不待交兵接刃

### 維枹綰

維枹綰而鼓之高注曰綰貫也枹係於臂以擊鼓也念孫案維枹綰而鼓之殊爲不詞一切經音義二十引此作綰枹而鼓之無維字是也枹字本在綰字下故高注言先釋綰後釋枹因枹字誤在綰字上後人又以高注言枹係於臂因加維字耳不知綰字已兼維係之義無庸

更言維也。

脫句

夫論除謹動靜時吏卒辨兵甲治正行五連什伯明鼓

旗此尉之官也前後

前後上脫一字

知險易見敵知難易發斥

不怠遺此候之官也隧路亟行輜治賦丈均處軍輶并

寇通此司空之官也收藏於後遷舍不離無淫輿無遺

輶此輿之官也凡此五官之於將也猶身之有股肱手

足也引之曰下言五官而上祇有四官寫者脫其一也

兵甲治下當有此司馬之官也一句自論除謹至兵甲

治皆司馬之事非尉之事且句法亦與下不同自正行

五以下乃是尉之事耳。司馬也。尉也。候也。司空也。輿也。所謂五官也。左傳成二年。晉軍有司馬司空輿帥候正。亞旅。襄十九年。晉軍有軍尉司馬司空輿尉候奄。官名。與此略同。而其數皆五。足以相證矣。漢書百官公卿表。衛尉秦官。諸屯衛。候司馬皆屬焉。續漢書百官志。大將軍營五部。部校尉一人。軍司馬一人。部下育曲。曲有軍候一人。通典兵類引一說曰。凡立軍。二百人立候。四百人立司馬。八百人立尉。

### 郟淮

晉書楚人地南卷沅湘北繞潁泗西包巴蜀東裹郟淮。高注曰。巴蜀郟淮地名。念孫案。郟淮本作郟邳。注此後人妄改之也。淮乃水名。非地名。與高注不合。太平御覽

州郡部十三引此正作郟。沅湘潁泗皆水名。巴蜀郟  
郟皆地名。漢郟縣故城在今郟州東北。下郟故城在今  
郟州東。二縣相連故並言之。史記楚世家亦云。鄒費郟  
郟。

山高尋雲谿肆無景

山高尋雲谿肆無景。念孫案太平御覽引作山高尋雲  
霓谿淡肆無景。是也。谿淡二字連讀。今本脫淡字。則與  
上句不對。肆無景三字連讀。故高注云。肆極也。極谿之  
淡。不見景也。若以谿肆連讀。則文不成義矣。晉書羊祜  
傳。高山尋雲。霓淡谷肆無景。卽用淮南語。

錐矢

疾如錐矢合如雷電解如風雨高注曰錐金鏃箭羽之

矢也引之曰錐當為鏃注內箭羽當為翦羽皆字之誤

也爾雅金鏃翦羽謂之鏃

說文同方言曰箭江准之閒謂之鏃大雅行葦篇曰四鏃

既鈞周官司弓矢曰殺矢鏃矢用諸近射田獵考工記矢人曰鏃矢參分一在前二在後隱元年穀梁傳曰聘

弓鏃矢不出竟場鏃字亦作猴士禮記曰猴矢一乘骨鏃短衛

是其明證矣下文云

疾如鏃矢鏃亦鏃之誤

疾字隸書作𠂔隸書作𠂔二形相似族字隸書或作疾形

與侯亦相似故鏃矢之字非誤為錐即誤為鏃齊策疾如錐矢戰如雷電解如風雨文與此同則錐矢亦是鏃

矢之誤高注以錐矢為小矢非也史記蘇秦傳又誤作鋒矢索隱引呂氏春秋貴卒篇所為貴錐矢者為其應

聲而至今本呂氏春秋誤作鏃矢莊子天下篇鏃矢之疾鏃亦鏃之誤郭象音族非也騶冠子世兵篇發如鏃



矢鏃本或作鏃亦當以作鏃者爲是

### 大地

楚國之強大地計畝中分天下念孫案大當爲支字之誤也汜論篇云度地計畝度與支皆計也大戴禮保傅篇燕支地計畝不與齊均盧辯曰支猶計也賈子胎教篇作度地計畝

### 棘棗

伐棘棗而爲矜高注曰棘棗酸棗也矜矛柄念孫案棘棗本作燃棗同注此亦後人妄改之也魏風園有桃傳云棘棗也說文棘小棗叢生者皆不訓爲酸棗改燃爲棘

則與高注不合矣。史記司馬相如傳枇杷檮棣索隱徐廣曰檮棣也而善反。說文曰檮酸小棣也。淮南子云伐檮棣以爲矜。索隱引作檮棣而酸小棣之訓。又與高注合。則正文注文皆作檮棣明矣。下句注云撚矜以內鑽鑿撚卽檮字之誤。

所以加 所勝

故文之所以加者淺則勢之所勝者小。德之所施者博則威之所制者廣。念孫案上二句當作故文之所加者淺則勢之所服者小。今本加上衍以字服字又誤作勝。服勝左畔相似又因上下文多勝字而誤。下言威之所制者廣威之所制猶

言勢之所服耳服與制義相近若作勝則非其指矣漢書刑法志作文之所加者淡則權之所服者大文子下德篇作文之所加者淡則權之所服者大皆其證

者侔

德均則眾者勝寡力敵則智者勝愚者侔則有數者禽無數劉本改者侔爲勢侔而莊本從之念孫案劉改非也者當爲智字之誤也

者智下半相似又因上下文者字而誤

力敵二字

承眾者勝寡而言言眾寡相等則智者勝愚也智侔二字又承智者勝愚而言言智相等則有數者禽無數也劉改爲勢侔則義與上句不相承且與力敵相複矣數

謂兵法也。詮言篇曰：慮不勝數，事不勝道，故曰：智侔則有數者，禽無數也。文子上禮篇：正作智同，則有數者，禽無數。

### 元逐

神出而鬼行，星耀而元逐，進退詘伸，不見朕壑。

玉篇：壑，古文垠。

字。念孫案：逐當爲運，元運，天運也。

後漢書：張衡傳：注引恒譚新論曰：元者，天

也。釋名曰：天謂之元。言如星之耀如天之運也。覽冥篇曰：日行而

月動，星耀而元運，電奔而鬼騰，進退屈伸，不見朕垠，是

其明證也。運字古讀若云。

呂氏春秋：論大篇：引夏書：天子之德廣運，與文爲韻。管子：形勢篇：受辭者，名之運也。與尊爲韻。越語：廣運百里。韋

注曰：東而爲廣，南、北爲運，西、山經：廣員百里，廣員卽廣

運墨子非命上篇管猶運鈞之上而立朝夕者也中篇  
運作員莊子天運篇釋文曰天運司馬作天員管子戒  
篇四時云下而萬物化云即運字說文與瑩為韻若作  
瑩一名運日到達吳都賦注作雲日與瑩為韻若作  
逐則失其韻矣

發如秋風疾如駭龍當以生擊外

發如秋風疾如駭龍當以生擊外以盛乘衰以疾掩遲  
以飽制飢念孫案此本作發如焱風疾如駭電以生擊  
外以盛乘衰以疾掩遲以飽制飢今本焱風作秋風字  
之誤也俗書焱字作焱形與秋相近舊本北堂書鈔武功部六引此  
作炎風炎亦焱之誤陳周譔依俗本改為秋風發如焱風言其疾也  
漢書韓長孺傳匈奴輕疾悍亟之兵也至如焱風去如

收電顏師古曰疾疾風也故月令疾風暴雨總至呂氏

春秋孟春篇作疾風若作秋風則非其指矣疾如駭電

今本作駭龍龍字涉上文龍騰而衍龍下當字即電字

之誤後人誤以當字下屬為句以生擊舂四句之上加一當字則義不可通

故於駭龍之下妄加注釋耳今本注云龍魚也飛之疾者也案海外面經之龍魚

不得謂之駭龍且與上句疾風不類明是後人妄加此注以附會駭龍二字之義非高氏原文也楚辭

九歎凌驚雷以軼駭電兮駭電與疾風事正相類故以

比用兵之神速管子兵法篇云追亡逐遁若飄風飄與疾同

月令疾風淮南時則篇作飄風爾雅迴風為飄月令注作回風為疾漢書副通傳至風起顏注飄讀曰疾

擊刺若雷電呂氏春秋決勝篇云若雷電飄風暴雨漢

書云至如焚風去如收電義並與此同舊本北堂書鈔  
引此正作疾如駭電無龍當二字陳禹謨依俗本改  
為駭龍又加當字

不用達

若以水滅火若以湯沃雪何往而不遂何之而不用達  
劉績曰衍用字

親刃

故將以民爲體而民以將爲心心誠則支體親刃心疑  
則支體撓北念孫案親刃二字義不可通劉本作親力  
義亦不可通刃當爲剗寫者脫其半耳說文剗黏也引  
隱元年左傳不義不剗或作剗今左傳作暱親剗卽親

暱也。支體親暱，謂從心也。支體撓北，謂不從心也。親暱之暱，古音在職部，故與北爲韻。小雅菀桺篇無自暱焉，與息極爲韻，是其證。

誠必

心不專一，則體不節勁，將不誠必，則卒不勇敢。念孫案：誠必與專一相對爲文，勇敢與誠必相因爲義。管子九守篇曰：用賞者貴誠，用刑者貴必。荀子致士篇曰：人主之患，不在乎不言用賢，而在乎不誠必用賢。呂氏春秋論威篇曰：又況乎萬乘之國，而有所誠必乎？則何敵之有矣。賈子道術篇曰：伏羲誠必謂之節，枚乘七發曰：誠



必不悔決絕以諾是古書多以誠必連文劉本誠必作誠心因上文心誠而誤諸本與劉本同唯道藏本作誠必莊不從藏本而從諸本謬矣

卻笠發笥

硤路津關大山名塞龍蛇蟠卻笠居羊腸道發笥門念孫案卻笠居後漢書杜篤傳注引作簠笠居是也簠笠與龍蛇相對爲文謂山形偃覆如簠笠故高注有偃覆之語今本作卻笠居注云卻偃覆也笠登

太平御覽引同案卻

笠二字文不成義訓卻爲偃覆亦義不可通疑傳寫錯

誤也

注內登字即簠字之誤疑當作偃覆如簠笠

發笥二字於義無取發笥

當作魚筍羊腸魚筍相對爲文高注發筍竹筍所以捕魚其門可入而不得出發筍二字亦因正文而衍太平御覽兵部二及後漢書注引此竝作魚筍門御覽引注文亦無發筍二字

### 擗擗

因其勞倦怠亂飢渴凍暍推其擗擗擠其揭揭高注曰擗擗欲卧也揭揭欲拔也念孫案說文玉篇廣韻集韻皆無擗字擗當爲搖字之誤也注擗古搖字也而搖之釋文搖本又作擗漢書天文志元光中天星盡擗注內欲卧當爲欲什亦字之誤也搖搖者動而欲什也因其欲什而推之故曰推

考工記矢人夾

其搖搖武王戶銘曰若風將至必先搖搖意與此相近也太平御覽兵部二引此正作推其搖搖隸書搖字或作搖漢書司馬相如傳消搖乎襄羊因誤而爲擗管子白心篇夫不能自搖者夫或擗之擗亦搖字之誤蓋世人少見擗擗二字故傳寫多差而楊慎古音餘乃於侵韻收入擗字引淮南子推其擗擗擗其揭揭不知其字而以意爲之斯爲謬矣

設蔚施伏 敵人之兵

善用閒諜審鎔規慮設蔚施伏隱匿其形出於不意敵人之兵無所適備此謂知權念孫案設蔚施伏當作設

施蔚伏高注草木盛曰蔚伏兵於其中故曰蔚伏可言  
設蔚伏不可言設蔚也且審鐙規慮設施蔚伏相對爲  
文若作設蔚施伏則與上句不對太平御覽引此已誤下文云設  
規慮施蔚伏是其明證矣敵人之兵無所適備太平御  
覽引此敵人上有使字於義爲長

得失

計定謀決明於外生舉鐙得失莫不振驚念孫案失當  
爲時聲之誤也太平御覽引此正作舉鐙得時

必勝之攻

故攻不待衝隆雲梯而城拔戰不至交兵接刃而敵破

明於必勝之攻也。念孫案攻當為數。此涉上下文攻字而誤也。數術也。太平御覽引此正作必勝之數。

持亂

靜以合躁。治以持亂。念孫案持當為待。字之誤也。謀書待持

二字相似。公會大夫禮。左人待載。古文待為持。大戴待禮。禮三本篇待年而會。荀子禮論篇作持手而會。待猶禦也。言以治禦亂也。

待與禦同義。說見經義述聞。左傳待諸平下。作持則

非其指矣。孫子軍爭篇以治待亂。以靜待譟。即淮南所本文。選五等論以治待亂。李善注引此文云。靜以合躁。治以待亂。尤其明證矣。

步鉤 趙曰何趙馳

人不及步銷車不及轉轂引之曰銷字義不可通銷當

作趨隸書趨字作趨

見漢武都太守李翕而狹頌

與銷相似而誤准

南書中趨字多有作趨者

諸本多改作趨唯藏本未改

故知銷爲趨

之誤人不及步趨者用兵神速敵人不及走避也趨字

入聲則音促正與上下文之木邀轂木角格爲韻

說林篇蘇秦步曰何故趨曰何趨馳案馳字非原文所

有蓋後人見字書韻書趨趙之趨音馳故旁記馳字而

寫者遂誤入正文也不知此趨字

七俱反

乃趨之變體與

音馳之趨相似而實非也步爲徐行趨爲疾行故先言

步後言趨高注步徐行也正以別於下句之趨也步曰

何故步與故爲韻。趨曰何趨。趨與趨爲韻。或曰當作馳。曰何馳。今知不然者。馳乃馬疾行之名。人行不得言馳也。

開閉

風雨可障蔽。而寒暑不可開閉。念孫案。開當爲關。寒暑無所不入。故不可開閉。作開則義不可通矣。俗書關字作開。開字作開。二形相似而誤。詳見道應篇東開鴻漾之光下

腐荷之矰 獨射

夫枯淇衛籥簫。載以銀錫。雖有薄縞之幘。腐荷之矰。然猶不能獨射也。今本注曰。矰猶矢也。念孫案。腐荷之矰。

矦本作櫓不能獨射射本作穿高注本作櫓大楯也

說文

及儒行注襄十年左傳注並同櫓本作盾此言枯淇衛簡簞而載之以銀錫

則雖薄縞之櫓腐荷之盾亦不能穿下文曰若假之筋

角之力各本脫若字今據舊本北堂書鈔及藝文類聚太平御覽引補弓弩之勢則貫

兕甲而徑於革盾矣正與此相反也汜論篇曰隆衝以

攻渠櫓以守高彼注曰櫓櫓也所以禦矢也章昭注吳

語曰渠櫓也櫓與盾皆所以禦五兵故彼言渠櫓以守

此言薄縞之櫓腐荷之櫓猶不能穿

齊策云攻城之費百姓理櫓蔽舉衝

櫓櫓與若矦則非其類矣且腐荷之櫓不能穿謂矢不

能穿櫓也今本作腐荷之矦矦卽是矢則其義不可通



矣。後人不知增爲櫓之誤，乃改不能獨穿爲不能獨射，以牽合增字。又改高注之櫓大楯也，爲增猶矢也。以牽合正文甚矣。其謬也。舊本北堂書鈔武功部十三引此，正作腐荷之櫓。陳禹謨依俗本改櫓，爲增下不能獨穿同。太平御覽兵部八十八楯下引此同。又引高注云：櫓大楯也。又今本不能獨射，舊本北堂書鈔及藝文類聚軍器部太平御覽兵部七十八、八十八珍寶部十一，並引作不能獨穿。今據以訂正。

不外其爪 噬不見齒

夫飛鳥之擊也，俛其首；猛獸之攫也，匿其爪。虎豹不外

其爪而噬不見齒念孫案虎豹不外其爪與上句匿其  
爪相複爪當作牙此卽涉上句爪字而誤噬不見齒若  
仍指虎豹言之則又與不外其牙相複當作噬犬不見  
其齒與上句相對爲文今本脫去犬字其字舊本北堂  
書鈔武功部四引此正作虎豹不外其牙噬犬不見其  
齒

陳禹謨依俗本改爲虎豹不外其爪而噬不見齒

太平御覽兵部二同

民

兵之所以強者民也念孫案文子上義篇作兵之所以  
強者必死也於義爲長下句民之所以必死者義也卽  
承此句言之上文曰百人之必死賢於萬人之必北是

兵之所以強者必外也。今本作兵之所以強者民也。民字疑涉下句而誤。

上親下

上視下如子。則必王四海。下視上如父。則必正天下。上親下如弟。則不難爲之外。下視上如兄。則不難爲之內。念孫案上親下如弟。親亦當爲視字之誤也。上文正作上視下如弟。

矢射 以其安危

合戰必立矢射之所。及以其安危也。念孫案矢射當爲矢石聲之誤也。

太平御覽兵部引此已誤。意林引此正作矢石。劉

畫新論兵術篇同。上文云。所以程寒暑。所以齊勞佚。所以同飢渴。則此以共安危上。亦當有所字。

二積

主之所求於民者二。求民爲之勞也。欲民爲之外也。民之所望於主者三。飢者能食之。勞者能息之。有功者能德之。民以與已同。償其二積而上。失其三望。國雖大。人雖眾。兵猶且弱也。念孫案。二積當爲二責。此因上文諸積字而誤。二責謂爲主勞。爲主歿。故曰。主之所求於民者二。求猶責也。太平御覽兵部十二引此。正作責。

敦六博

彈琴瑟聲鍾竽敦六博投高壺高注曰敦者致也念孫案古無訓敦爲致者六博言致亦於義無取今案敦六博投高壺敦亦投也敦音都回反邶風北門篇王事敦我鄭箋曰敦猶投擲也是敦與投同義投謂投箸也楚辭招魂注曰投六箸行六棊故爲六博是也

負兵

便國不負兵爲主不顧身見難不畏死決疑不辟罪高注曰負程念孫案負與程義不相近負當爲員草書之誤也太平御覽兵部四引此已誤說山篇云春至旦不中員程漢書尹翁歸傳云責以員程是員與程同義員爲程式之程

又爲程量之程。儒行曰：鷙蟲攫搏不程勇者，引重鼎不程其力。鄭注曰：程，猶量也。搏，猛引重，不量勇力，堪之與否也。此言便國不員兵，亦謂不程量其兵之眾寡，故高注訓員爲程也。

至於

是謂至於窈窈冥冥，孰知其情？念孫案：於當爲旌。古書

旌字或作旒，形與於相近，因誤爲於。

續漢書天文志：會稽海賊曾旒等干

餘人，今本旒誤作於。

旌，冥情三字爲韻。旌與情同，主術篇曰：故至

情之像，窈窈冥冥，不知爲之者，誰而功自成？老子曰：窈兮冥兮，其中有精。莊子在宥篇曰：至道之精，窈窈冥冥。

皆其證也。列子說符篇東方有人焉曰爰旌目。後漢書張衡傳注引作爰精目。漢濟陰太守孟郁脩堯廟碑師工旌密。卽精密。是精與旌古字通。

### 奇正賁

明於奇正賁陰陽刑德五行望氣候星龜策機祥。陳氏觀樓曰。正字後人所加。奇賁以下皆二字連讀。上文云明於刑德奇賁之數。高注。奇賁陰陽奇祕之要。是其證。說文作奇咳。史記倉公傳作奇咳。漢書藝文志作奇咳。竝字異而義同。

社稷之命在將軍。卽今國有難。願請子將而應。

之

凡國有難君自宮召將詔之曰社稷之命在將軍卽今  
國有難願請子將而應之念孫案卽當爲身在將軍身  
爲句今國有難爲句隸書身字或作身與卽字左半相  
似因誤而爲卽願請子將而應之請字涉下文還請而  
衍藝文類聚武部太平御覽兵部五七十一儀式部一  
引此竝作社稷之命在將軍身今國有難願子將而應  
之是其證

亦以

臣旣以受制於前矣

以與已同

鼓旗斧鉞之威臣無還請願



君亦以堊一言之命於臣也。念孫案亦以堊一言之命以當爲無。今作以者。涉上文旣以而誤。軍不可從中御。故曰臣無還請君亦無堊一言之命於臣。兩無字相因爲義。今本下無字作以。則義不可通。太平御覽兵部五引此正作無。

### 國之實

進不求名。退不避罪。唯民是保。利合於主。國之實也。上將之道也。念孫案實當爲寶。字之誤也。孫子地形篇故進不求名。退不避罪。唯民是保。而利合於主。國之寶也。此卽淮南所本。今作國之實。則義不可通矣。且寶與保。

道爲韻若作實則失其韻矣

上下文  
皆用韻

淮南內篇第十五